

**MICROFILMED 2002
THE CLASSICS LIBRARY
UNIVERSITY OF ILLINOIS
AT URBANA-CHAMPAIGN
URBANA, IL 61801**

**AS PART OF THE
DITTENBERGER-VAHLEN
CIC 6 PRESERVATION GRANT
PROJECT
Funded by the
National Endowment for the
Humanities**

**Reproduction may not be made without
permission from The Classics Library,
University of Illinois at Urbana-Champaign.**

COPYRIGHT STATEMENT

The copyright law of the United States (Title 17, United States Code) governs the making of the photocopies or other reproductions of copyrighted material including foreign works under certain conditions. In addition, the United States extends protection to foreign works by means of various international conventions, bilateral agreements, and proclamations.

Under certain conditions specified in the law, libraries and archives are authorized to furnish a photocopy or other reproduction. One of these specified conditions is that the photocopy or reproduction is not to be "used for any purpose other than private study, scholarship, or research." If a user makes a request for purposes in excess of "fair use," that use may be liable for copyright infringement.

The institution reserves the right to refuse to accept a copy order if, in its judgment, fulfillment of the order would involve violation of the copyright law.

AUTHOR: Knos, Gustav

TITLE: Vita Demosthenis

PLACE: Upsaliae

DATE: 1813

BIBLIOGRAPHIC RECORD TARGET

The Classics Library
University of Illinois at Urbana-Champaign

CIC 6 / NEH Dittenberger-Vahlen Microfilming Project

Storage Number : 00-0231.6

Knos, Gustav, 1773-1828.

Vita Demosthenis / Gustavo Knos.

Upsaliae : Stenhammar et Palmblad. Regiae Academiae Typographi,
1813.

8 p. ; 20 cm.

1. Demosthenes. I. Title.

Language: Latin.

Note(s): Includes bibliographical references.

OCLC: nc





Technical Microfilm Data

Microfilmed by
Preservation Resources
Bethlehem, PA

On behalf of
The Classics Library
University of Illinois at Urbana-Champaign
Urbana, IL

Film Size:	35mm microfilm
Reduction Ratio:	<u>11</u> : 1
Image Placement:	IA <u>(IIA)</u> IB IIB
Date filming began:	<u>12-9-02</u>
Camera operator:	<u>K. Jones</u>

PM-MGP METRIC GENERAL PURPOSE TARGET PHOTOGRAPHIC




150 mm

100 mm

A5

A4



ABCDEFGHIJKLMNOPQRSTUVWXYZ
abcdefghijklmnopqrstuvwxyz1234567890

ABCDEFGHIJKLMNOPQRSTUVWXYZ
abcdefghijklmnopqrstuvwxyz1234567890

ABCDEFGHIJKLMNOPQRSTUVWXYZ
abcdefghijklmnopqrstuvwxyz
1234567890



ABCDEFGHIJKLMNOPQRSTUVWXYZ
abcdefghijklmnopqrstuvwxyz
1234567890

1.0 mm

1.5 mm

2.0 mm



2.5 mm



PRECISIONSM RESOLUTION TARGETS



A & P INTERNATIONAL
715/262-5788 FAX 262-3823
577 LOCUST ST.
PRESCOTT, WI 54021



VITA DEMOSTHENIS.

CUJUS PARTEM PRIMAM

VENIA AMPL. FAC. PHILOS. UPSAL.

PRÆSIDE

MAG. GUSTAVO KNÖS

GRÆC. LITT. PROF. REG. ET ORD.

REG. SOCIET. SCIENT. GOTTING. LITTER. COMM. CONJUNCTO

P. P.

AND. AD. LÖTHMAN,

STIP. TOLLST. BOTHNIENSIS.

IN AUDIT. GUSTAV. DIE V JUNII. MDCCXCIII.

H. A. M. S.

UPSALIÆ,

EXCUDEBANT STENHAMMAR ET PALMBLAD.

REGIÆ ACADEMIÆ TYPOGRAPHI.

Theologiæ Doctorn och Contractis - Prosten

Högvärdige och vidtberömda

Herr MAGISTER

IS. NORDMARK

samt

Doctörinnan Högädlä Fru

ANNA H. NORDMARK

född VISBECK

2

tacksamt och vördnadsfullt tillegnadt

af

AND. AD. LÖTHMAN,

Handelsmannen

Högådle Herr

ADAM RUTH

samt

Högådle Fru

MAGDALENA RUTER


född STENHAGEN

tillegnas detta ungdomsför sök

af

En tacksam tjenare

AND. AD. LÖTHMAN.



Graeci, qua natura, aut qua vi ad tantam magnitudinem atque amplitudinem ducerentur, ubi artes partim novas generare, partim veteres absolvere atque perficere coepissent, temporum rationumque repentinās mutationes circumspiciebat, non facile dixeris. Namque multa illorum opera, tantae gratiae tantaeque perfectionis exempla existant, ut fidem fere superet, illos adeo obscuris gentibus circumclusos, potuisse tam brevi, tantas res non animo solum sibi fingere, sed fictas ad summam pulchritudinis effigiem formare. In ideis seu formis, quum singularis & admirabilis quaedam sapientia apparet, tum in vestitu orationis dicendique perpetuitate, vegetae, amoenae, atque perennis naturae pulchritudo in totum se exferit. Quidquid amplum, sublime, acutum, elegans, aptum & nervosum cogitari potest, illorum plerique artium scriptores perpetuo tenore in tantum servarunt, ut nimbo, (si illa tempora respicias) veluti Pallas effulgere videantur. Illis nihil est otiosius, seu altius sese attollant, aut ubi materies ita tulerit sese submittant. Sive enim epico dicendi generi addictos, sive tragico spectes, vel si ab his diversus, aut eos qui spretis & contemptis omnium verborum sententiarumque ornamentis, veritatem nudam amant, in illis habeas, quibus omni tempore graves defuerunt aemulatores quamvis ipsorum singulis nulli fuerint duces.

Atqui

Atqui mirum fane, quam diversa a reliquis artibus Eloquentia habuit fata. Cum eorum plerique, qui illas scribere instituerant, posteris opera traderent, quorum pleraque cotem temporum facile tulerunt, tum primi hujus amatores atque cultores diu nihil nisi exilia experimenta fecisse videntur. Etenim quamvis Homerus ille Græcorum facundiæ fons atque caput, Supèrum concilia heroumque contentiones, concitationes, & conciunculas modulando, res ab oratore notandas atque animadvertendas caneret, speciemque elegantis & sublimis eloquentiæ ostenderet; post illum vero Sophoclis Euripidisque quæculæ Musæ satis commonstrarent, quomodo rhetor dictioni suæ pathos adjungeret, si sensus affici vehementius & moveri vellet, nec non & alii artium scriptores artificia traderent, quorum ope graviores existere oratores debuissent, tamen nec dum Athenis neque alibi nisi minuti oratores conspiciebantur. Empedoclis enim, hac in re, nihil est memorabile, nisi quod rhetorices ut specialis artis fuerit & auctor & actor *). Gorgias vero Sophistarum pater, etsi impetum quendam & poëticum ornamentum addidisset non Olympicæ suæ orationi tantum, qua Græcos adversus Persas & incitavit & armavit, sed etiam funebribus, quas in honorem ad Salamina occisorum fecit, **) tamen ut effuse & pueriliter dicens perstringitur ***). Alcidamas autem discipulus ejus, densa & vulgariori usus est dictione ****), Theodorus pri-
sca

*) Quintil. Lib. III. Cap. I.

**) Philostr. de vita Sophistarum Lib. I.

***) Dionys. Halic. de vita Isæi & Dinarchi. Lugduni, MDLXXXI. p. 21.

****) Ex eodem Dionysio, l. c.

ca & jejuna, Anaximenes exili. Nec Protagoras Magorum neque Polus Gorgiæ nutrimentis educatus *) aliquid magni fama dignum protulerunt.

Sed ubi Athenienses vidissent, quid eloquentia vale-
ret, novus & frequentior oratorum succrescebat ordo,
quem & longe dispar reipublicæ status, & philosophia,
splendidioribus jam ducta fatis, provocasse videntur. At-
que ut hæc vim cogitandi & differendi copiam procrea-
vit, ita studiorum eloquentiæ ille maxima attulit irrita-
menta. Exstincto enim majorum summo virtutis ardore,
disturbatis civitatibus, dissociatisque inter se civibus, bel-
la gentium, odia urbium, lites civium, & regum ex-
ternorum munera (alios gloriæ, alios libertatis, alios in-
juriae, alios denique lucricausa) ad maximam persuadendi
artem excitarunt. Quo facto, cum Athenienses versifi-
catores & oratores non minus quam optimos duces lau-
darent, plures religioni seu genio eorum servire, & in
tribunali prætorum magis, quam castris adhærere. A-
lius amentatas in judiciis hastas vibrare, alius eas orato-
riis lacertis torquere, nemo in magistratibus, in honori-
bus, in legationibus, in fortunis, sine eloquentia sibi tu-
tus atque munitus videri. Quid? quum segnities rerum
gerendarum veluti pestis pleraque membra circum corri-
puisset, quo remedio aut qua vi magis ad majorum facta
incitari & impelli posse viderentur? Hinc prout quisque
ingenio & arte excelebat, dispares apparuere, Theode-
ctes, Theopompus, Naucrates, Ephorus, Philistus, Ce-
phifodorus, quorum tamen nullus Isocratis dicendi vene-
res imitando exprimere valuit, **) & ab his pressa ora-
tione diversi Antiphon, Trasymachus, Polycrates atque
Zoilus

*) Vide Philostr. l. c. & Phædrum Platonis,

**) Dion. Halic.

Zoilus, quorum omnes Lyfia fuerint inferiores. At tanto præstantiores erant Isæus, Lycurgus, Æschines, Hyperides & Dinarchus, quorum alii doctrina excellentes, nitore & evidentia celebrantur, alii in rebus augendis & amplificandis graves, ut plures illustria eloquentiæ exempla fuissent, si Demosthenes nunquam exstitisset: ὁ δὲ τέτρες τε καὶ τὲς ἄλλες πάντας ὑπερβαλλόμενος Δημοσθένης, ἅπαντα μιμησάμενος, καὶ πάντων τὰ κάλλιστα ἐκλεξάμενος, δῆλος μὲν, καὶ τῇ φωνῇ μόνον, δῆλος δὲ καὶ τῷ κατ' ἓνα ἕκαστον λόγον πρέποντι, ὃ μὲν ἄλλὰ καὶ συνδέσει, καὶ τῷ σχηματισμῶν ἀγκύλῳ, καὶ τῇ οἰκονομίᾳ, καὶ τῷ πάθει, καὶ (τὸ μέγιστον) τῇ δεινότητι *).

Quibus vero ceterum ingenii artisque emineat virtutibus, cum omnis in illis appareat, tamen eruere nihil est difficilius. Quemadmodum enim in natura forma affici solemus, cui summam venustatis atque perfectionis effigiem impressam opinamur, quamvis corpori insitam vim omnino nescimus, atque sentimus melius, quam intelligimus, quod nos moveat atque delectet; sic in divinis veritates ingenio roboratæ arteque limatæ eam habent gratiam atque sublimitatem, ut nihil illis præclarius atque amabilius videatur, earum licet perfectiones non ab omnibus eodem intelligantur modo, sed aliæ aliis videntur, cum quidem in diversis diversa est sentiendi ratio. Quamobrem etiam Ciceronis & Quintiliani varia de Demosthene judicia fuerunt. Namque etsi ille confitetur, eum nihil Lyfiæ subtilitate, nihil argutiis & acumine Hyperidi, nihil lenitate Æschini & splendore verborum,**) tamen

*) Idem p. 28.

**) Cic. Orator a G. B. Schirach edit. Halæ MDCCLXVI. p. 124.

tamen perfecte eloquentem fuisse negat & sibi satisfacere *), quum eundem alter fuisse dixit, cui nec quid desit, nec quid redundet invenias **). Quanto minus orationum imperitus dicere conabitur, quantus Orator Demosthenes fuerit, qui communem omnium eloquentiam ad se unum rapuisse judicatur ***). Sed meis erit, in votis, posse quodammodo exponere, quantum ille in Atheniensium animos tamquam influxerit, & quoties respublica orationibus ejus, quo vellet, impulsæ fuerit, postquam nonnulla de genere, de primæ ætatis studiis, & de moribus ejus commemoraverim.

Tum vero, eos, qui aut laudandi aut vituperandi studio de Demosthene scribere instituerunt, vel omnino annum nativitatis reticuisse video, vel multa de hoc, ut de moribus ejus variasse. Dionysius Halicarnas. in libello ad Ammæum refert natum anno V Olymp. XCIX. (ante æra Christiana CCCLXXXVI. ****) Plutarchus totum fere lustrum ætati ejus addit. Pater ex tribu Athenarum præaniensi, a quibusdam faber ærarius habitus est, quod officinam haberet in qua servi arma patriæ cudebant †) unde summus ille de ceteriorum fabricator Juvenalis:

B

Quem

*) Ibidem p. 118.

**) Quintil. Lib. X.

***) Hermogenis Lib. I. de formis.

****) Goldsmith in historia Græcorum svecice tradita 1806 p. 196.

†) Plutarchus (in Vita Demosth. Opp. T. I. p. 847. C. ed. Frft.)

ἐπεκαλεῖτο Μαχαιροποιός, εργαστῆριον ἔχων μέγα καὶ δούλους τεχνίτας.

Quem pater ardentis massæ fuligine lippus
A carbone & forcipibus gladiosque parante
Incude & luteo vulcano ad rhetora misit; *)

sed fideliorum monumentis exstat fuisse trierarchum
& sanguine optimis Atheniensium civibus, cohæruisse **)
Matrem Cleobulam habuit ignobiliorem & a Schytis
oriundam.

Deorum hunc æquis genitum fatis dicas, si ingenii
dotes mortalibus aperta manu largientia, fausta atque
benigna iudices, compressa & retracta, qua teneant cor-
poris robur atque venustatem. Sin minus iniquis. Ete-
nim gravissimis animi laboribus non modo suscipiendis,
sed etiam perficiendis singularem & divinam acceperat
naturam; sed palæstræ & corporis oneribus iniquissimam.
Hinc in Musarum umbratili regno & curriculis illis ubi
Plato inambulabat, grandi & divino ore profundissimam sa-
pientiam effundens, florecentis ætatis gradus adhæserunt.
***)- Ibi dum differendi copiam & sermonis granditatem
accipiebat casus quidam incidit, qui eloquentiam illi reli-
quis artibus amabiliorem fecit. Namque audita Callistra-
ti oratione de Oropæis, quos Themesis Eretriæ tyrannus
in bello Boeotico Thebanorum fidei tradiderat, cum
vidisset illum quasi in triumphum deduci, adeo facundia
& gloria ejus captus est, ut inde usque disertissimum
quemque sibi ad imitandum proponeret. Spatiis itaque
Academiæ relictis post sextum & decimum ætatis annum
præscripta Iliæ artemque orandi ediscere coepit. Indeque
fons

*) Sat. X. v. 130—133.

**) v. Δημοσθένους εγκύμιον κατά Λουκίανον, conf. Goldsmith p. 80. 196.

***)- Quintil. Lib. XII. cap. 11. conf. Geddesium de oratione vete-
rum p. 161. Tom IV. P. 1. collection. nonnullorum ad litteras
elegantes pertinentium scriptorum. Berolini apud Nicolaum 1761

font artificii Demosthenis ducendus *). Namque ille & suo ingenio & Isocratis arte & philosophorum doctrina instructus, non minus callide cogitavit quam ornate egit. Enimvero stilus ejus ex ejusdem Dionysii judicio, fuit purus, limatus, dilucidus, gravis & concisus, nec non causarum tenacissimus & rotundus. Compositio vero exquisita, schematibusque interposita variis, adeo ut in genere judiciali, cui totum se dederat & judices eluderet & adversarios opprimeret.

Lasciviam hujus & intemperantem a teneris vivendi rationem, maxime vero provectoris ætatis malitiam nonnulli aspere perstringunt **). Quare nec æmulatores & adversarii Demosthenis dubitarunt, eum vel propter odium vel invidiam vel ambitionem accusare & ejusdem fallaciis obstringere ***). Quibus si ulla fides foret, ille non modo non singularis, sed ne quidem mediocris & solitus homo fuisset. At quam malignæ horum fuerint congestæ criminationes, omittendum atque transferendum opinor, dum locus erit causas exilii ejus dicendi, neque ordinem & modum interrumpendum, quo ad summum eloquentiæ fastigium accesserit.

Itaque artificio Isæi imbutus, nec minus a Platone, Isocrate, Ebulide atque Thucydide auctus ****), postquam apiculæ more flores quaquaversum degustasset, causis & privatis & publicis agendis interesse coepit, Prima tamen vestigia nec pressit gloria comes neque dum erat

. . . . quem mirabantur Athenæ
Torrentem & pleni moderantem frena theatri; †)

Quin

*) Dionys. Halic. l. c. p. 6 & 15.

**) Philostrat. Lib. 1. de vita Sophist.

***) v. Dionys. p. 7.

****) v. Svidam de Demosth. †) Juv. Sat. X.

Quin immo irritus visus est labor, quem studiis eloquentiæ enixè dederat, irrita atque vana opera lucubrata. Neque cogitandum, quæ tum essent Atheniensium aures Sophistarum deliciis assuetæ, eum unquam a suis civibus fuisse habitum in oratoribus optimum, & quasi pharon, cujus lumen quicumque aspiceret & sequeretur, tritus ire videbatur, nisi impedimenta naturæ superasset. Hoc risus Cecropiæ urbis prîma quum celebri adferret eloquia foro, hoc dolor oratoris ad Pireæum triste ambulantis, hoc querelæ ejus satis probant *). Tum enim nec ipse fuerat vocis suæ conditor neque Satiri histrionis elegantem & accommodatissimam agendi artem didicerat, sed blæso ululans sono, audientium aures tundebat, dum cacchinnu tollerent eumque exsibilarent *). Risum tamen solutum mox in admirationem sui vertit. Ignominiam indocilis pati, viam natura oblæptam ipse industria pandit. In os lapillos indidit, quorum inertia inertiam linguæ tollit. Ardua terrarum declamando enitens & supra strepitum fluminum præcipitantium vocem attollens, latera corroboravit. Speculunca usus est subterranea, ut ad quæcunque verba & membra orationis vocem tanto melius accommodaret, vel ne in cogitando ullo objecto visu disturbaretur. Ad speculum, ense ab humeris suspenso gestum habitumque formavit. Quibus experimentis quum obtinuisset actionem animi & spiritus abundantem atque nervosæ & variæ vehementiæ plenam, ut quantum cogitandi vi & dictionis magnificentia, tantum etiam svavitate oris valeret, novus intra sæptum fori progrediebatur.

*) v. Lucian. de eodem.

**) Plutarchus in libr. V:to de Paralellis.

